

■ GLOSSA

Cumbat. Cun «ductrina unitara»

DA SILVIO CAMENISCH

Uss pon sa trair en chaud anti democrats, nuncartents e medias rumantschas sanestras. Tar la Pro idioms Surselva vegn ins da nov cun la chavallaria a la prussiana, dal 1800, ordavant a tuts e tuttas, ha gea dunnas tranteren, en sella il husar Lorenz I. Guardai laolutezza en quella fatscha, sco sch'el trasor insatge patratgass, la bella chavellera, il barbis lung struvegià e cochet da husar! Nus mussain ductrina unitara, uss e qua èsi il mument da mussar, al husar cun sia chavallaria, cliccain Plascha a mail! e tramettain a noss amis nossas amias da facebook, millis, pli gronda uniun da cartents chantunala.

Cumbats cun ductrina unitara per persvasiun e religiun han adina già ils success vulids e meritads e gudagnà en Surselva. Mo cun serrar las ritschas aifer la chavallaria, fitg fitg a la prussiana, sche ti dumondas mai, e suandar ils novs vegls husars en sella dumogna la pcd l'october che vegn «noss» candidats en las duas chombras federalas. Il pievel ha adina raschun, il pievel. Tgi di quai anc ina giada ad anti democrats, nuncartents enten la ductrina unitara gista dal



maiorz sco quai ch'ella è adina stada e sa cumprova da ed a las medias rumantschas sanestras che gea mo fan la giatta mort!

Jau sun absolutamain era dal maini ch'i dovria in cumbat cun ductrina unitara cunter la mumentana, ma tut varga, polluziun da badugns, nitscholars, saleschs che fan starnidar nus uschia noss faziels plains. Ma plaschan gea era betg vairamain. Uschia n'avain nus mai starnidà, uschia. Quest plan d'instrucziun 21 patratgà alura creà da anti democrats, nuncartents e medias sanestras che n'èn betg las nossas, èn da tschella pasta, nus essan da nossa pasta, quest plan sto vegnir cumbattì, il meglier cun ina ductrina unitara.

Il pievel ha vuliu aschia, il pievel, gie lura stuein nus era metter entuorn ei

aschia! di il cristiandemocrat en ils Cuntrasts da dumengia vargada al visavi betg cristiandemocrat, sche ti dumondas mai. Quel ha gea ditg en la camera centrala: Insatge stoss jau anc dir a la fin: Il pievel n'ha betg adina raschun, il pievel. Ussa di ti ina giada, insatge uschia. Tschient onns bunamain ha il pievel adina già raschun da na betg laschar eleger ni votar nossas dunnas. Ina fitg fitg ferma ductrina unitara dad umens da quellas dunnas ha fatg quai pussaivel, ad els saja engrazià postum. Era stà in «Stai si defendal!» da persvasiun ductrina unitara cunter la raschun.

Quest fauss cumpromiss, festivà lezza giada da alfabetisar noss uffants tant en idioms activ sco en rumantsch da retorta passiv, vegn cumbattì ussa: cun ductrina unitara. Ins crai, ergo sa, sco gea en tuttas ductrinas, guardà enavos cun gritta, ch'ils responsabels da quella giada avevan survegnì daguts da k.o., mo uschia avevan quels, gea, quels èn mane giads dà lur o.k., o.k., ed uschia laschè far cun ins tge ch'ins ha vuli! Els han moris e las medias rumantschas han rapportà cun far la giatta morta ed er mo ris e ris...!